

C V D

A T G G

1 6 1 1



S. d. 249

Sammelbd.

Jah.

H. hist. S. 75 813.

14

Contrafeitur vnd Na

men der Geistlichen vnd Ordens Perso-
nen / so auß der Societet I E S V bishero von de
Handen / Mahumetanern / Ketzern / vnd ander
Verfolgern / von wegen des Catholischen Glaubens
wie auch vmb der liebe Gottes / vnd des Näch-
sten hails willen / vmbgebracht vnd ge-
martert worden.

11.



Gedruckt zu Gölten / Bey Johan Bussmecher
im Jahr 1609.

Handwritten notes:
H. Bussmecher
Göllten
1609

[Kontrafaktus]

RV



Dem Ehrwürdigen vnd Hochgeler-
ten Herren Johann Hartman / der Heiligen
Schrift Doctorn / der Statt Linz Pastoren / vnd
Canontchen zu Bonn / meinem groß gunstigen
Herrn vnd Patronen.



Hrwürdiger Hochgelerter Herr /
dieweil mir zu handen kommen ein
verzeichnus dem Gottseliger mens-
ner auß dem mittel der hochgelob-
ten gesellschaft des namen Jesu /
welche mit ihrem blut / marter vnd
tod unsere heilige Catholische Res-
ligion bezeuget / vertheidiget / vnd
sp vil als versigelt / hab ich auß liebe vnsers heiligen glaus-
bens / dan auch solcher herzhafften martirer / von denselbigen dis-
sen Kupfferschnid doch geringes vermögens vñ aber guter mei-
nung verfertigen wollen / vnd solt ich billig gegen Ewre Ehrwür-
den ein grossers vnd bessers zeichen der danckbarkeit abgehen las-
sen (wegen vilfaltiger wolthaten / vnd beforderung an mir erwie-
sen) dieweil aber Ewre Ehrwürden ein starcker eyfferer des wa-
ren glaubens / vñ ein heldisch Prediger der Catholischer warheit /
vnd der wolgemelter Societet Jesu mit lieb vñ freundschaft zu-
gewendt (bey welcher nemlich Ewre Ehrwürden zu Rom in dem
Teutschen Collegio das heilig studium abgelauffen) hab ich zu
danckbarer gedechtnus deren lieben Martirer auß solcher hohen
gesellschaft Ewre Ehrwürden diese verzeichnusse / vnd Kupffer-
stücklein sampt bey gefugter kürzer Historia vnderhenigst zu-
schreiben vnd dedicieren wollen / mit bit / Ewre Ehrwürden wollen
sich solchs gefallen lassen / vnd mein großgunstiger Herr bleiben.
gehabt Euch wol / Datum Köln 2. Januarij an 1609.

E. Ehrw.

Dienst williger

Ioannes Bussenmecher.

Die Erste Centuri dem so auß der Societet I E S V gemartert worden.

I.

Anno Domi
ni 1549.
Vom anfang
aber oder
fundation
der Socie-
tet im 10. jar



Der Erste PATER ANTONIVS CRIMINALIS von Parma. Als diser in dem Orientalischen Indien/ in der Prouing Menancor/ von wegen deren Christen vñ Neophiten/ so erst newlich zum Glauben bekehrt worden/ solche auß der gefahr zu erledigen/ sich selber in den Todt ergeben/ vñ auffgeopfert/ ist er von den Händen Badagis/ mit dreyen Lanzen durchstochen/ vñ enthauptet worden. Disen Todt hat er mit niderfallung auff seine Knie empfangen/ vñ außgestanden/ welches niderknieen er vast täglich bey vierzig malen/ mit kurzen vñ inbrünstigen Schosßgebetlein/ im brauch gehabt. Ribadineira lib. 3. vitæ B. Ignatij. Maff. hist. Ind. lib. 14. Tursel. vit B. Xauerij. lib. 4. cap. 4.

2. Der ander/ Nunnus Reberius welcher gleich in disem Jahr den 15. Augusti hingericht worden. Rutilius Benzoni Episcopus Lauretanus, lib. 1. de Iubilæo, cap. 9.

3. Der drit ist Alphonsus Mendez der auch eben an bemelte orth von den Barbarischen vñ wilden Leuten vmb des Christlichen Glaubens willen enthaupt worden. Ribadineira lib. 2. vitæ B. Ignatij, cap. 19. Thomas Bozius de signis Ecclesiæ. lib. 7. signo 27.

Anno Domi 4. Petrus Correa, ein Lusitaner von Adelichem geschlecht. ni 1554. von Als diser bis in das fünffte Jahr in der Societet gelebt / vñ sich der Socie- der Brasilenser bekehrung (denen er zuvor / vmb außbreitung tet fundati- willen des Christlichen Catholischen Namens / auff dem Meer on an im 15. vñ zu Landt grossen schaden gerhan) mit grossen eyffer vñ ernst angenommen/ ist er von einem Dollmetscher / dem er eines vñ erbaren Weibs beyschlaff abgestriekt/ verrathen / vñ von den Barbarischen Carigis mit Pfeilen durchschossen/ erlegt worden.

In welch

Der Societet I E S V Martyrer.

f

In welchem Strauß er mit gebognen Knien gebettet/ vnd sein Handstaf/ dessen er sich vber Landt gebrauchet/ von sich geworffen. Ribadineira lib. 4. Vita Ignatij, cap. 12. Mass lib 16. hist. Ind.

5. Ioannes Sofa, der in der Societet einen Koch vertreten/ Anno Do- vnd des bemelten Correa mitgefertigt gewesen. Als dieser von mini 1554. dem Hafen vnd von der Kirchen zu der Martirerion berufft/ ist er vor dem Correa, von den bemelden Barbarischen Feinden durchschossen worden/ vnd sein leben auff gebognen Knien betent geendet. Ibidem ibidem.

6. Emmanuel Fernandez, Dieser war der erst auß der So- Anno Do- cietet, so in der Landtschafft vnd Gebiet Transtagano den Sa- mini 1555. men des Göttlichen Wortz außgesetzt. Als er aber nun all seine Von der gedanken vnd vermügen dahin gericht / wie er die schädliche Li- Societet an cenz/ frech vnd freyhett der seitigen/ so durch öffentliche sünden im 16. Jahr vil hinderten/ vnd grosse ergernus gaben/ möchte auffheben vnd den 18. Febr. aufkreutzen / auch die säch mit S. Joes hilff so weit gebracht/ daß er nit etne geringe anzahl allerley vnzüchtiger Weiber/ Bulschafften vnd Schöpfel von ihren anhängen/ vnd aller Vn- keuschheit ergebenen Männern / vertrieben/ welche dann solches zum höchsten verdrossen/ vnd es sehr vbel auffgenommen haben/ also daß einer auß ihnen (dessen Nahmen kein Menschemaln auß ihme Emmanuele bringen können) vnderwegs in seinem hin vnd her reisen/ ihme viel Wunden gehawen/ Darauff er zu Eborā verschieden/ vnd Got seinen Geist auffgeben. Franciscus Bencius in annuis Collegij Eboensis in Lusitania, Anni 1589. quo eius Corpus ad Collegij Templum ex æde maxima translatum est.

7. Zween andere auß der Societet Layenbrüder/ deren Nahmen auch nit zu erkundigen/ sein in Brasilia vmb Christi willen getödt worden. Rutilius Benzonijs lib 1. Iub. cap 9.

8. P. Alphonsus à Castro ein Lusitaner/ nach dem dieser in India Orientali zur bekehrung der Barbaren grosse arbeit daran gestreckt / vnd denen auß der Societet in Moluccis eylff ganzer

A. iii

Jahr



Jahr vorgestanden / ist er Anno 1558. in der Moren händt gefal-
 len vnd von ihnen / nach entblössung vnd beraubung seiner Klei-
 der / mit einē Strick gebunden / funff tag nacheinander geschleiffte
 worden. Darnach haben sie ihme einen grünen Block gleich als
 wie ein joch auff den Hals gebunden / dardurch er zur Erden ni-
 der gepresst. Endlich aber haben sie ihn mit vielen Wunden zerhan-
 wen / ins Meer geworffen: dessen todten Leib den dritten tag her-
 nach am gestatt / mit grossen schein vnd glantz vmbgeben / auch
 noch mit frisch vnd reinem Blut triessenden Wunden / gefun-
 den worden. Die Peiniger aber vnd Todtschläger / sampt ihren
 befreundten vnd blutsverwandten / seind in wenig tagen hernach
 eines theils erschossen worden / eines theils aber durch S. Anto-
 nij Fener (wie mans nennet) verdorben vnd vmbkommen. Ribadi-
 neira de vita Lainis, lib. 2. c. 1. Thomas Bozius lib. 5. signo 17.
 9. P. Conlalus Silueria auch ein Justantier / von ansehlichem
 geschlecht gebürtig / hat den König zu Manomotapa, sampt sei-
 ner Frau Mutter / vñ drey hundert fürnehmlicher Herrn getaufft.
 Welcher König auß anschawung der Mutter Gottes / die er nach
 seiner nächstlichen ruhe / funff nacht auffeinander zwar gesehen /
 aber ire wort vnd rede / weil er noch kein Christ war. nicht verstan-
 den hat. Hernach aber hat er auß befehl eben dieses Königs der
 sich durch lügen eines Mahometischen Muphi oder Superin-
 tendentens vnd noch anderer Diener einnehmen lassen / sein leben
 darstrecken vnd sterben müssen. Seinen Tode der ihme von Gott
 offenbart worden / hat er nicht allein seinen vertrauten vnd guten
 freunden vorgesagt / sonder auch mit gang inbrünstigem Gebett
 sich darzu bereit / vñ ist endlich von Mocrume einer Barbari-
 sche bluts gurgel stranguliert / vnd in das fürstießende wasser Mo-
 sengeltem geworffen worden / als vñ nachdem er eben selbigen
 tags funffzig Christen gemacht / welche zugleich alle vber einen
 hauffen / auß befehl des Königs getödt worden. Mass. Epist. lib.
 2. Iacob. Payua Andradius lib. 1. Ort. expl. Surius Anno 1540.
 10 P. Petrus Venustus zu Bibona in Sicilia Rector, ist vor
 einem Clerico, welchen er / neben vielen andern ihme erzeigte gut-
 tha.

Anno Do-
 mini 1561.
 der Socie-
 tet 22. den 15.
 Maii. j.

Anno Do-
 mini 1564.
 der Socie-

thaten/ offtermaln/ wann er von dem weg der Tugend außgetretet im 26.
 ten vnd jrz gangen/ ermahnt/ vntgebracht worden. Dann als Jahr den 18.
 dieser von dem Bischofflichen Vicario eingezogen/ vnuud in die Octobr.
 Kirchen gelegt worden/ vnd bey sine selber vermeint/ solches sene
 auß anstiftung des Rectoris beschehen / hat er ihn einest / als er
 heimwärts gehent seine horas gebett e/ in frehem Felde angetrof-
 fen/ vnuud ihme drey Wunden in den Kopff gehauwen/ ist also in
 dem Felde von den fürgehenden/ sterbent vnd in den zügen laent/
 mit anruuffung des heiligen Nahmens IESV gefunden worden.
 Des Theters Namen hat kein Mensch auß sine bringen können.
 Wenig tag zuuor hat er seinen mitgenossen der Societet gesagt/
 sein wunsch were/ durch einen solchen Todt zu sterben/ in dem er
 Joanni dem Täufer vnd S. Paulo nachfolgen möchte Ribadi-
 neira de vita Iacobi Cainis, lib 3 cap. 12.

11. P. Petrus Martines, auß der Landtschafft Turolio, in dem
 Königreich Aragonij lgent/ gebürtig/ ist von P. Francisco Bor- Anno Do-
 gia, auff Philippi des Catholischen Königs in Hispanien/ anfu- mini 1566.
 chen in Indiam gegen Nidergang der Sonnen geschickt worden. Societatis
 Als er nun in die Insel Floridam geschiffet/ hat er de Fuß so bald 27. den 24.
 nit außs Landt gebracht/ damit er das Euangelium predigte / da Septemb.
 ist sine gleich sein wunsch war worden/ vñ begegnet was er lengst
 zuuor begert. Dañ er also bald hingertzt worden/ da ihme von In-
 wonern des Lads/ sein haupt mit einer Stangē zerschmettert/ vñ
 gleich noch halb lebendig ins Meer geworffen worden. Scottus
 lib. 3 vit. Franc. Borgie, cap. 6

In bemelter Insel Florida sein von Ludouico Caeicha, wel-
 cher in diser Insel das furnembste Haupt vnd Herz gewesen vnd
 sich mit falschem schein zu lauterem betrug in Hispanien tauffen
 lassen/ auch gegen den Patribus anerbotten/ wie er sie selber in en-
 gner Person in die Insel führen vnd bealeitten wölle/ alle nachge-
 setzte acht Personen von der Societet, mit lauter list vnd nachstel-
 lung hindergangen/ enthaupt worden/ als nemlich.

12. P. Ioānes Baptista Segura von Toletto, welcher von P. Frā- Anno Do-
 cisco Borgia, den andern zum vorsteher fürgesetzt worden/ als der mini 1568.
 sine vmb seiner sitten vnd tugēt halbē sehr lieb gewesen. Societat. 29.
 13. P. den 3. Feb.

13. P. Ludouicus Quiros.
14. Gabriel Gomez.
15. Petrus Linares.
16. Sanctius Sauallius.
17. Ioannes baptista Mendez.
18. Christophorus Rotondus.
19. Gabriel de Solis.

Schottus in vita Patris Borgiæ, lib. 3. cap. 6.

Anno Do-
mini 1568.

Als nun auß den Todtschlegern ihren drey / ein Trühelet
vnd armutey der acht vmbgebrachten Personen durchsucht / vnd
ein Crucifix / das sie darin gefunden / auß fürwitz ganz fleißig be-
sichtige / seind sie vnuersehens vnnnd geheling krafftlos mit mach
zur Erden gefallen / vnd also gestorben. Schottus ibidem.

20. P. Franciscus Lopez. Welcher von Maffæo Lupius ge-
nant wirdt. Als dieser in dem Orientalischen Indien sich auß
einem Schiff / in welchem vnuersehens das Schießpuluer an-
gangen / hinauß in das Meer begeben / ist er von den Mauritan-
schen Meerraubern gefangen / Vnd als er wegen seiner geschor-
nen Coron oder Platten auff dem Haupt für einen Priester er-
lant / ist er zum abfal vnnnd verlaugnung seines Glaubens ange-
strengt / vnnnd zu der Mahumetschen abgötteren gelockt worden.
Weil aber kein andere antwort auß ihm zubringen noch zwer-
zwingen gewesen / Als daß er viel lieber alle Marter leyden vnnnd
aufstehen wolte / ist ihm das Ingewaidt mit einer Lanzen durch-
stoßen worden / hat also sein Marter im Blut vollendet. Maffæ-
us lib. 4. Epist. Schottus lib. 3. cap. 6. vitæ Patris Borgiæ.

Anno Da-
mini 1570.
anfangs
der Societet
im 31. Jahr /
Julij 15.

21. 22. Noch zween andere Ioannes Carualius Lusitanus,
vnnnd Emanuel Louus Lusitanus, welche des Francisci Lopez
gesellen gewesen / sein (wie Ribadineira meldet) von den Moren
mit Pfeilen durchschossen worden.

In dem grossen Meer Oceano seind Neun vnd dreißig Per-
sonen auß der Societet, bey der Insel Palma, (welche eine auß
denen Inseln ist / die man Fortunatas nennet) als sie vmb auß-
breitung willen des Catholischen Glaubens in Brasiliam ge-
tode /

Der Societet IESV Martyrer.

9

Schiffe / von Iacobo Soria, der Calvinischen Sect guten Patron
vnd Meereraubbar / auffgeriben vnd vmbgebracht worden / alda er
Soria geschrien / interfice, interfice, das ist / schlag todt / schlag
todt / denn sie nichts anders als falsche Lehr außzusehen / in Bra-
sillam begeren. Wie diese Neun vnd dreissig Martyrer mit Na-
men geheissen / vnd wie mit Inen gehauet worden / das folget hier
nach in specie.

23. P. Ignatius Azebedius, der war ein Lusitaner / vnd Præpo-
situs Prouincialis, auch nicht weniger von Gottesfurcht vnd an-
dacht / als von seinem Geschlecht her ansehlich vnd namhaft /
Als er die seinigen auß der Societet ermanet / vnd mit geistliche
zusprechen sie beherhet / ist er nach zerspaltinem Haupt / mit dreien
Lanzen durchstochen / vnd in das Meer gestürzt worden. Vnd als
ihme die Keger die Bildnus der seligen Gottes gebererin / die er
steiff in seiner Hand gehalten / keines wegs darauß zureissen noch
zubringen vermöcht / hat er die Menschen auff Erden / vnd die
Engel im Himmel sämplich zu Zeugen angerufft / daß er vmb
defension vnd vertheidigung willen der Römischen Kirchen sein
leben lasse.

24. Benedictus Caltrius, der hat die Bildnus Christi / wie
er am Creuz hangt / vmbfangen / ist erstlich mit dreien Kugeln
geschossen / darnach mit Wöhr vnd Dolchen zerhauen vñ durch-
stochen / in das Meer geworffen worden.

25. Emmanuel Aluarus, ward erstlich im Angesicht verwun-
det / darnach auff den Bretterboden gehefft / vnd als ihme seine
Bein vnd Spindeln zerbrochen vnd zerschmettert / in die Wellen
des Meers gestürzt.

26. Blasius Kibera, diesem ist sein Haupt mit den Knöpfen
an den Kapieren vnd Dolchen zerstoßen vnd zerknirscht worden
biß ihme das Hirn außgerunnen ist.

27. Petrus Fonseca, Dem haben sie sein Mundt mit einem
Dolchen durchstochen / vnd einen Backen herunder gerrent.

28. P. Didacus Andrada, Welcher in dem Schiff allen denen /
so zu beichten geillet / abgewartet, vnd angehört / Als er aber mit

D

Dolo

Dolchen durchstoßen/ins Meer geworffen worden. / Lasset vns
(sagt er) vmb Christi willen das Blut vergiessen/der für vns das
seinig auch vergossen hat.

29. Gregorius Scribanus.

30. Aluarus Mendez.

Diese zween/seind im Schiff tranck gelegen/vnnd weil man
sie vñlleicht hette vbersehen/oder ihrer verschonen mögen/seind sie
selber halb nackt von dem Beth herfür gewischt / ihre Hals
freywillig dargereckt/vnd Mannlich gestorben.

31. Simon Acolta, Weil dieser von den feinden nit darfür an-
gesehen/noch gehalten/das er ein Jesuiter were hat er sich selber
freywillig erklärt vnd angeben/ auch darauff hurtig enthaupt/vñ
ins Meer gestürzt worden.

Die vbrigen vnd nachfolgende dreissig(aufgenommen etliche
Priester / denen die feind ihre Häubter von der Priesterlichen
Cron vnd Scheitel an bis auff die Stirnen/ mit Haut vñ Haar
geschaben vnd abgestrafft) seind vast alle lauter Jüngling gewo-
sen/die hat man ordentlich zween vnd zween/auch drey vnd drey
herfür gefurt/ihnen ihre lange Leibrock außgezogen/vnd jedem
einen Dolchen zwey oder drey mal in Leib gestossen/ etlichen auch
Händ vnd Arm abgehawen/vnd darauff ins Meer gestürzt.

32. Franciscus Aluarus Guillius.

33. Dominicus Ferdinandes.

34. Alphonsus Vaena Toletaner.

35. Gonsalvus Henricus Diacon.

36. Ioannes Ferdinandus Braccarenser.

37. Ioannes Ferdinandus von Blissipon.

38. Ioannes Mayorga auß Arragonia.

39. Alexius Delgatus.

40. Ludouicus Correa von Ebor.

41. Emmanuel Rodericus Alcorgetaner.

42. Simon Lopez.

43. Emmanuel Ferdinandes.

44. Petrus Nunnius.

Fran-

Der Societet IESV Martyrer.

- 45. Franciscus Magalanus.
- 46. Nicolaus Dinyus Brigantiner.
- 47. Caspar Alvarus.
- 48. Antonius Ferdinandus S. Montis maioris.
- 49. Emmanuel Paciecus.
- 50. Petrus Pontoreus.
- 51. Andreas Gonsalvus Vianus.
- 52. Amatus Vasquius.
- 53. Didacus Perez Miscus.
- 54. Ioannes Baeza.
- 55. Marcus Caldera.
- 56. Antonius Correa Lusitanus.
- 57. Ferdinandus Sanctius Lusitanus.
- 58. Franciscus Perez Godoi. Forrichius.
- 59. Ioannes Zaureu. Toletaner.
- 60. Ioannes S. Martini Illescanus.

61. Stephanus Zurair auf Cantabria / welcher / ehe dann er sich auff die raiff begeben / vorgesagt / ihm seine von C. Ott funde gemacht / daß er werde gemartert werden. Maffæus in appendice Epistolarum, Epist. 1 quæ est Petri Diazij ad Leonem Henricum. Schottus lib. 3 cap. 10 in vita Borgiaz.

60. Antonius Suarez wirdt von Andrea Schotto in obangezogenem orth fur den vierzigsten beygesetzt. So referirt vnd meldet auch Franciscus Bencius, daß diser Martyrer vierzig gewesen seyen. lib. 6. quinque Martyr.

62. So solle auch der Jungling weder vberhupfft noch aufgelauffen werden / der mit vnd sampt disen Religiösen zugleich hingefucht vnd getödt worden / vnd mit seinem Namen / von seinen bekanten anderst nit als sanctus Ioannes genennet worden / Welcher noch / als ein Newling / vnd in der prob / der Societet einuerleibt zu werden / herglichen angehalten vnd bezert / hat auch darum ben dem P. Ignatio Acebedio von seiner seitten nicht weichen wollen. Schottus ibidem.

Übermal zwölff Martyrer / deren Namen vnd außzustandene Martier



Anno Dō.
mini 1571.
societatis 32.
den 13. Sep-
tember

Marter ordentlich spectifiert hernach volgen / welche alle eben
vñ gleichfals auff der Reiß in Brasilliam von dem Französische
Caluinisten Ioanne Cadouillio wegen des Christlichen glau-
bens / vmb dessen außbreitung willen sie in Brasilliam gezogen /
auffgeriben vnd gemetzet worden.

63. P. Petrus Diaz ein Priester / ist in gleicher arbeit des Beicht-
hörens / auffgearbeitet vnd hingericht worden.

64. P. Franciscus Castrius, ist darumb / das er den Steurman
vnd Obersten Patron des Schiffs / beicht gehört / hauffenweiß
vberfallen / mit hawen vnd stechen jämmerlich verwund / vnd er-
legt worden.

65. Gaspar Goetius ein Jüngling / welcher von Diazio vnd
seiner seiten nicht weichen wolt / ist auch daruber gangen vnd ju-
guliert worden.

66. Michael Arragonius ist in Arm gehawen / darauff ins
Meer gestürzt worden / vnd mit ihm ist der nachfolgende.

67. Franciscus Paulus zugleich gestürzt / vndergangen vnd er-
truncken.

68. Ioannes Aluarus, vnd

Anno eodē
den 14. Sep-
tember.

69. Petrus Ferdinandus ein Schreiner / oder Tischler / wel-
cher / als er des vorigen tags vil Maulasgen eingenommen / vñ
ihme neben außschönung vñ zerrung seiner Augenbrauen
vnd Barts / scharpffe vnd gespitzte stecken vnder das Kinn gefest
worden / Woher (sagt er) hab ich das vñ dich verdient / das du
mir die gnad erzeigst / fur dich zu leben / O Herr? Diser sampt
dem vorgehenden Ioanne Aluaro, seind bende / nach vil einge-
nommer schmach vnd vnbill in das Meer gestürzt worden. / also
bald vndergangen vnd ertruncken.

Die fünff jeko folgende / seind die ganze nacht vber vnglau-
blicher massen grausam tractirt vnd gehalten worden / vñ als
man sie ins Meer gestürzt / seind sie ganz wunderbarlich im
schwimmen zusammen kommen / vnd von einander vrlaub ge-
nommen / auch einer den anderen seiner sünden halben vmb ver-
zeyhung gebetten / darauff Alphonsus ihnen im Meer den Apo-
stolischen.

stolischen Glauben/sambrt anderen Gebetten/vnnd den Versickel
Tibi soli peccau, Dir allein hab ich gesündigtet:vorgebietet/deme
sie alle nachgesprochen/vnnd es so lang mit widerholung getriben
haben / bis sie endlich dahin sinckendt vergangen / vnnd von den
Wellen gleichsam bedeckt/vnd vndergraben worden.

70. Alphonsus Ferdinandus, der in Brasilia die Philosophi-
am zu lesen/Professor bestellet vnd verordnet worden.

71. Andreas Pais.

72. Petrus Diaz der ander.

73. Didacus Carnetius.

74. Ferdinandus Aluarus.

Maffæus append. Epist. 2. quæ est Leonis Henrici ad socios
Romam: Schottus lib. 3. cap. 11. vitæ Borgiæ.

75. P. Georgius Ferdinandes, vnd

76. P. Gometius Damarilius, als diese beide bey Maluco an de
gestalt oder Meerhasen/ Beicht gehört/seind sie von den Tais als
Christ feinden erschlagen worden. Ioannes Antonius Valtrinus
in annuis Indiæ Orientalis:

Anno Do-

mini 1581.

Societatis 42

77. P. Edmundus Campianus auß Londern gebürtig/ein gelehr-
ter Mann/ als er viel Jahr mit sonderem lob zu Wien in Oester-
reich/vnd zu Prag Lateinisch gepredigt/ vnd von Göttlichen sache
tractire / ist er endlich in Engellandt geschickt worden / allda er ein
gute zeit der Catholischen Kirchen vnd Religion zum besten/ mit
lehren vnnd schreiben zugebracht/ aber von Georgio Elioro, der
nicht lengst zuuor einen Todtschlag begangen hatte / verrathen
worden. Vnd ist vnsegligh/ mit wie vielerley offit angefekten vnnd
langwirigen Tormenten vnd Marter er hergenomen vnd veyert
worden. Vnder welchem so peinlichen Marterkampff / er nicht
allein kein wort/ noch das wenigst / daß einem Catholischen Prie-
ster mißzimmen möchte / auß seinem Munde gelassen / noch auch
eines haar breits den feinden zugefallen / von der vnuersehrten
Catholischen warheit begebē / sonder auch mit gang rüwigen vnd
frölichem gemüt / nicht ohne schwanck mit seinen Peinigern / vnd
anwesenden feinden / zuhandlen vnd zureden / gelieben lassen. Dan

Anno eodē.

1. Decemb.

als ihme all seine Glieder von bein zu bein / vund von Glatz zu
 Glatz luxirt / auseinander zerrissen / los vund wanckel gemacht
 worden / sagt er / Weil in kein Glid mehr tragen mocht / sond er zu
 boden ligen muste / seho bin ich ein Elephant. Da er aber sich ein
 wenig erholer / vnd mit den händen das Brot fassen kunte / sagt
 er / seho bin ich ein Aff. Dann er sich in solcher beschaffenheit vnd
 Marter / anderst nicht / als mit seinen Knien / so zerbrochen auff
 der Erden flehten / vnd mit inbrunstigem Gebett seines Herzens
 anstercken vnd zuwassnen gewust: vnd war da nichts das ime sein
 Marter vnd peynliche schmerzen hette mildern können / als allein
 der süsse / vnd von ihme oft widerholte Nam I E S V S.

Nachdem er nun nicht mit wenigerem glück vund gnad seine
 feind / vnd er welchen Vitakerus auch einer war / mit disputiren /
 als die Peiniger vnd Hencker mit leyden / vnd vnberögllicher ge-
 dult vberwunden / ist er falschlich von ihnen / als ein Auführer /
 ein feind des Königreichs / vnd belaidiger der Mayestät angebe /
 vnd darüber mit höchsten vnbill verdampt worden. Vnd wiewol
 er diese aufflag / vund falsche inricht dermassen widerlegt / das in
 gemein das gemürmel gangen / sme Campiano geschehe vnrecht /
 vund könne ihme dergleichen laster oder verbrechen / ohne grosse
 vnfinnigkeit vund greifflichen vnbill keines wegs zugewiesen /
 noch auffgetragen werden / jedoch hat er Campianus auff ange-
 hörten vund ergangnen Sentenz / GOTT mit freuden danck ge-
 sagt / vund das Te Deum laudamus zu singen nicht vnderlassen /
 noch sich von jemand hiezu abhalten / oder hinderen lassen. Als
 er nun auff einer Schlaiffen durch Gassen vund Strassen / vber
 Stöck vnd Stein geschlaipft vund zermartert / hat er an dem be-
 stimmten vnd zugerichten orth an dem er solte Peinlich hingericht
 werden / vber die wort des Apostels / Wir sein ein spectackel
 vnd schawspil worden / Gott / den Engeln / zureden an-
 gefangen / ihme aber von seinen feinden als Calvinisten stillzu-
 schweigen gebotten worden. Darauff er dannoch sein Gebete
 vnd herrlichen wunsch für das heil der Königin gethan / vnd of-
 ferte

offentlich bezeugt/ daß er nit vmb einiges verbrechen oder schulden/ deren von seinen feinden sine felschlich zugemessnen lastern/ sonder alleinig vmb der ewigen Wahrheit willen des Catholischen Glaubens sterbe/ vnd hingericht werde. Hat also seinen Martirer palmen/ durch den strang an dem er vnschuldig erworgen müssen erobert vnd erlangt. Seinem todten Körper haben sie das Haupt abgeschlagen/ vnd den Leib in stück zerhaect/ hierdurch aber seinem Namen eine gloriwürdige vnd ewige gedechenuss geschaffet. Cōcertatio Ecclesie Catholicæ in angliā, de Martyrio Cāpiani, 78. Thomas Cottamus ein Engellender/ ist zu erholung seiner gesundheit in sein Vaterlandt gezogen/ vnd im Junio des 1580. Jahrs zu Dorobera von den Keyern gefangen worden/ vnd weil er ihnen nicht beichten/ oder sein innerstes gewissen/ vnd all seines lebens verborgnisse sünden nit eröffnen wollen/ auff mancherley weis gerecht/ torquirt vnd gepeinigt worden. Dennoch hat er gegen seinen feinden ein solche lieb erzeigt/ daß er auch den Hencker eilichmal herzlich vmbfangen/ vnd ihn mit außersessnen Ermahnungen/ vnd heilsamen gebotten/ zu seinem ewigen Heil gang freundlich vnd getrewlich vnderweisen. Ehelich/ als er/ daß die Königin Bapst/ oder daß Haupt der Engellendischen Kirche sein solte/ widersprochē/ darneben öffentlich bekent/ daß er meniglichen verzeihe vnd vergebe/ mit gleichem begeren vnd bitten/ da er jemand belaidiget/ ihm auch verzeihen wurde/ hat er darauff sein haupt vnd Hals freywillig zum Strick hergerichte. Wie er nun/ als man ihm seine Kleider außgezogen/ entblößt vnd mit einem anlebenden/ vnd seiner Haut eingebachnem Cilicio, oder härinem Kleid angethon/ vermerckt vnd befunden/ ist nicht eine geringe verwunderung entstanden/ daß einer vmb Christi willen zuleiden/ einen solchen durst haben soll/ vnd neben dreysärtiger Gefencknuß/ sampt allem vngemach vnd vast täglichem darinnen außgestandnem leiden/ recken vnd strecken/ erst noch darzu seinen Leib mit freywilliger straff also solt vnder die Sporen nehmen. Ibidem. Vnd Ribadineira in vita Lainis.

79. Dissen Alexander brianus ein Priester/ welcher vor seiner

mar.

Anno Do-
mini 1581.
Societat. 43.
39 Maij.



marter den Pateribus der Societet zugescrieben/ Vnd nach ge-
 thanen votis der geistlichen gelübden/ sich vnd das seinig vberge-
 ben vnd auffgeopffert. Concertatio Anglicana in eius Marty-
 rio.

Anno Do-
 mini 1583.
 Societatis
 44. den 15.
 Julij.

Die Fünff nachfolgende Martyrer/ seind in der Indiani-
 schen Landeschafft Salserana, bey dem Dorff Coculino, allda sie
 von dem pflaz vnd ortz eine Kirchen auffzubawen / vnder einan-
 der gehandelt vnd berathschlagt / auß anstiftung vnd ermah-
 nung eines Wahrsagers / von den Heydnischen / vnd mit gros-
 sem Zorn ergrimten Inwohnern / darumben daß ihrer Götter
 Tempel zu boden gerissen / vnd sie sehen vnd hören müssen / wie ih-
 re Götzen von den Christen vernichtet vnd außgespottet / mit ein-
 ander gemerget vnd auffgearbet worden.

80. Rudolphus Aquauia, Ioannis Hieronymi des Fürstes
 Hadrianorum Sohn / zweyer Cardinalen Iulij vnd Octauij
 leiblicher Bruder / vnd des Ehrwürdigen / der Societet IESV,
 P. Generalis, Claudij Aquauia Bruders Sohn / seines alters
 im drey vnd dreißigsten Jahr / deren halben theil er in der Socie-
 tet zugebracht. Drey ganze Jahr hat er bey dem König Mogo-
 rum in grosser strenge vnd harthaltung seines Leibs gelebt / vnd
 dem heiligen Gebett dermassen ergeben gewesen / daß man ihn
 offtermahls / wie er zu ansehender nacht sich ins Gebett begeben /
 noch zu Morgens also in gleichem wesen fort bettende / befunden
 wort. Zu welcher zeit seines Gebetts er solchen vnd so viel trosts
 vnd Himmelscher süßigkeit empfunden / daß er sagte / Jezo leb
 ich einmal nach meinem wunsch. Vnd ist von mennigliche
 für einen so heiligen Mann gehalten worden / daß man ihn ge-
 wöhnlich anderst nit als einen Engel genent hat. Da er nun ent-
 lich als bestimbter vnd verordneter Rector / in das Salseranisch
 Gebiet vnd Reuier kommen vnd sampt seinen mitgeferten den
 wilden Barbaren in die Händt kommen / hat er lieber sterben /
 als das Pferde / welches ihme zur flucht auff's allerbest staffiert
 von seinem Dolmetschen angeboten worden / zulassen / noch an-
 nemmen wollen. Daselbsten wurden ihme erstlich die Sparra-
 dern

bern vnd Flex hinderwerts der Knie scheiben abgehawen / Darauf er fur sich nider auff die Knie gefallen vnd als baldt sich zu entbloffen vnd in die sach zuschieffen / das Kleid mit seinen engen Händen vom Hals vnd Leib herunder gezogen / zween streich hinder dem Gnieck in dem Hals empfangen / darnach noch zween streich vber die Achßlen / also daß Kopff vnd Schultern von dem Leib zerhawen vnd abgerrent / zu fallen begunn / ihme aber zuuor noch ein Pfeil in die Brust geschossen worden.

81. Petrus Berna ein Italianer auß Lombardia / seines alters im dreißigsten Jahr / daran er sechs in der Societet zugebracht. Dieser ist ein vrsach vnd anfenger gewesen / daß etliche Abgöttische Tempel in Salfeta zu boden gerissen worden. Hat auch ein Khue / welche von den Barbaren / als ein Gott verehret vnd angebetet worden / vmbgebracht / vnd das vnsaubere Gederim vnd Ingewadit / eben in das Geschir geworffen / vnd mit Gestand angefüllt / darinnen sie sich zu ehren ihres Abgotts / zu waschen vnd zu reinizen gepflegt / darumben er von ihnen hinderwerts auff die Hirnschale verwundet / auch ihme ein Aug mit einem Pfeil durchschossen / wie auch auff einer seitten am ort sehr hart vnd tieff verlegt / endlich erlegt vnd getödt worden. Haben auch erst nach seinem todt ihren grimmen vnd vnsinnigkeit an dem todten Körper / vnd allen Gliedern erzetzt vnd außgelassen.

82. Alphonfus Paciecus ein Hispanter / dem Rodolpho im alter vnd Geschlecht nit vast vngleich. Als diesem von den Barbaren ein Lanzen in sein Brust gestossen / hat er seine arm creuzweis vbereinander geschlossen / die Augen gen Himmel erhebt / vnd sich zu der andern Schmitzen vnd Streich willtz vnd begierig erzetzt / als er nun solche vber den Hals empfangen / ist er todt zur Erden gefallen.

83. P. Antonius Franciscus ein Lusitaner / seines alters bey dreißig Jahren / ist zwölff Jahr in der Societet gewesen / vnd neben anderen obbemelten von den Barbaren im Haupt vnd am Leib hin vnd her verwundet worden / hat also der Martyrer peim

E

vnd

vnd schmerken wol versuht/wie er dann zuuor/das ihm solches
vmb Christi willen widerfahren möchte / so offte er Mess gelesen/
ganz inbrünstig gewünscht vnd begeret hat. Nicolaus Or'adinus
in annis Indiæ Orientalis Ex literis P. Alexandri Valigna-
ni Prouincialis Præpositi, & aliorum. Thomas Bozius lib. 7.
Signo 27. Franciscus Bencius in 5. Martyribus.

84. Franciscus Aranea/des Erzbischoffs Gasparis zu Goa
nächstler Vetter / vnd blutsverwandter. Dieser war ein Lay bey
acht vnd zwanzig Jahren seines alters / hat zehn Jahr in der
Societet gelebt / ist nach obbemeltem Rudolpho im Haupt ver-
wundet / vnd mit einem Spieß zwerch der seitten durchstochen
worden. Vnd wiewol man ihn schon fur todt gehalten/hat er sich
dahoch in ein Geseud vnd Hecken verfröchen. Als aber die noch
vberigen alle hingericht / ist er von einer Viechhuterin vermehrt/
vnd gestracks von der ganzen menig heraus gezogen / vnd vmb
ihren Abgott herum geschleiff worden. Vnd weil er auff ihre
antreiben den Abgott nicht anbeten noch ehren wollen/ haben sie
mit vnzalbaren Pfeilen hauffenweys mit solcher furi vnd also
vngestimm auff ihn zugeschossen/das auch das jung Gesindlein/
Knaben vnd Mägdelein ihre Stecken/Pöls vnd Eisen steiff in
seinem vnd der anderen Martyrer Blut vmbgesudlet/vnd ihre
Abgötter damit zuuerehren/bestrichen haben/vnd auffgeopferet.

Anno Do-
mini 1593.
Societatis
24. Febr.

85. P. Iacobus Salesius von Truern/siben vnd dreissig Jar alt/hat
zwanzig Jar in der Societet gelebt/ein trefflicher gelehrter Man/
der nit allein in Lateinischer/ Griechischer/ Hebraischer vnd Cal-
daischer Sprach / sonder auch in Philosophia vnd Theologia
wol erfahren. Ist mit sonderlicher vnd inbrünstiger andacht gegen
dem H. Sacrament des altars/vnd hitziger begierde gemartert
zu werden ersündet gewesen / deswegen er dann gen Rom ge-
schriben/vnd in Indiam zu reisen angehalten. Der Marterpalm
aber/den er gesucht/ist ime in Franckreich zu theil worden Dann
zu Albenaco, allda er die zeit des H. aduents hinaus mit sonderm
lob

Der Societets I. E. S. V. Martyrer.

lob gepredigt/ dieselte in Staat aber durch verräheren Chiam-
bandi eines Calvinists übergeben vnd eingenommen/ ist er
samt seinem Gesellen Gulielmo Saltamochio dreyen Calu-
nischen Predicanten zum gewünschten Raub vnd reicher Beute
überliefert worden Vnd demnach diese Predicanten in einer di-
sputation (welche daher entstanden daß Salesius die Fleischsup-
pen / so ihme am Sambstag gebracht vnd fürgesetzt nicht essen
wollen / vnd von sich gestossen) öffentlich überwunden vnd zu
schanden worden/hat also bald einer auß ihnen/das Volck dahin
verhetzt/das man sie beide zum todt begert. Allda Salesius Gott
gebetten/das er allen seinen feinden verzeihen vnd vergeben wölle
le ist darauff erstlich mit einer Büchsen durch die Schultern ge-
schossen/ vnd als er mit erhebeter vnd offi widerholter stimm Ie-
sum angeruffen/ entlich mit einem Schwerdt durchstoßen wor-
den.

86. V Vilhelmus Saltamochius auch von Aruern gebürtig/ Eodem.
seines Handwercks ein Schuhmacher/ bey acht vnd zwainzig
Jahren alt/ darnon er zwölff Jahr in der Societet hergebracht.
Dieser hat den hinsinkenden vnd sterbenden Salesium umfassen-
gen/ vnd gebetten/das er ihn nicht hinder ihme lassen wölle/sonder
mit vnd samt ihme auch möge gemartert werden / ist also bald/
von eben selbigen feinden vñ Todtschlegern/ mit Dolchen durch-
stoßen/ vnd mit kreuzweis vber die Brust gelegten Armen hin-
gericht vnd erlegt worden. Horatius Turcellius in annis pro-
uinc. Lugdun.

87. P. Ioannes Cornelius gemartert in Engellandt. Benzoni-
us lib. 1. Iub. cap. 9.

88. Consaluus de Topia, ist gemartert worden zu Mexico den
12 Julij Anno 1594. Im Jahr der Societet 55. Benzoni^{A. 1607}us lib. 1.
Iub. cap. 9.

89. P. Robertus Sotuellus ist auch in Engellandt gemartert
worden/ Anno 1595. Im 56. Jahr der Societet, den 3. Martij.
Benzonius ibidem.



90. Henricus VValpolus ist in Engelland gemartert worden/den 8. Feb. Anno 1594. Im 55. Jar der Societet.

91. Abrahamus Georgiu Maronita, ist im anritt vnd eingang des Königreichs Abassinorum in Aethiopia von den Türcken gefangen worden/vñ als er den Mahumet für verflucht/sich aber für ein Christen bekenet/vnd erkleret daß er allein der vrsachen in dieses Reich vnd Landtschafft kommen/damit er so viel Menschē zum Christlichen Glauben brechte/ als viel syne durch Gottes Gnad immer möglich were/ ist er in dem Flecken Delec, in der Insel Mazua, auß befehl des Obersten Verwalters/ enthaupt worden. Nicolaus Pimenta in litteris Indicis Anni 1599.

92. Jacobus Ghisai ein Coadiutor in der Societet, ist in Iaponia gemartert worden/ Anno 1597. den 5. Feb. Im 58. Jahr der Societet.

93. Paulus Michi ein Japonier/ seines alters im drey vñnd dreißigsten Jahr/ daran er eylffe in der Societet gelebt/ ist vnder seinen Japoniern ein sonderer außersesener Prediger gewesen/ ohn angesehen/daß er nit Priester/sonder nur ein Lay war/ist mit der marter hingericht worden.

94. Ioannes Goto ein jüingling bey neunzehnen Jahren/ so erst newlich in die Societet auffgenommen worden.

Diese drey sezt erzehlte vñnd noch drey vñnd zwainzig andere mit ihnen/ sein auß befehl Teucosamae des mechtigen Japonischen Tyrannens/ nach langwüiriger gefancknuß/ vnd abschneydung des lincken Ors/gecreuziget/vnd leylich mit Lansen durchrochen worden/ vnder welchen sechs Patres auß dem Franciscaner Orden gewesen seind. Ex litteris Iaponicis P. Ludouici Frois. Anni 1596.

95. P. Martinus Laterna, der Durchleuchtigsten Königen in Polen Stephani vñnd Sigismundi III. Lateinischer Prediger/ist von den Schweden vmb der Catholischen Religion willen in das Meer gestürzt/vñnd ertrunck worden. Ex litteris Polonicis.

P. Ro.

96. P. Rogerius Filotus Anglus zu London auffgehengt / vnd nachmals zertheilt. Anno 1601.

97. P. Franciscus Pagius Anglus, so gleiche Marter auffgestanden.

98. Dominicus Collinus Hibernus zu Corche in Irlande erhenckt vnd zertheilt.

99. C. Emmanuel Niger, des Collegij zu Clausenburg Sacristan vnd Krankenwartter / welcher nach dem der Saluutschicht Moseß diese Statt mit Türckischer hilff vnd Wöhr eingenommen / vnd die rasende Arrianer / auff so gut erhaschte Gelegenheit, von den Predicanten and Meistern ihrer Gottlosigkeit verheyt / mit macht in die Kirchen der Societet eingefallen / allem Heiligthumb / vnd geweihten sachen grausame vnd entsetzliche schmach angethon / neben anderen aber ein gottloser Goldschmidt / das Hochwurdig Sacrament des altars mit suessen getretten / vnd er (bemelter Sacristan) sie solcher Gottlosigkeit halber mit worten gestrafft / ist er erstlich mit einer Axt in den Kopff gehawen / darnach mit einer Kugel durchschossen worden / vnd also vñ des Catholischen glaubens freyer bekantnus willen / auff dem Pley gebliben. Anno Domini 1603. von der Societetanfang im 64. Jahr

Ex litteris P. Argentea, Superioris eius loci.

100. Odoardus Olcornus Anglus, zu Bigornien erhenckt vñ zertheilt. Anno 1606.

101. P. Henricus Garnetus;

102. Vincentius Aluarus / den die Mahumetaner in der Statt Dabul in Orient getödet vnd vmbgebracht worden. Anno 1606.

Matth. 10. Non est Seruus super Dominum.

Hat man dem Herrn also zwagn /

Wie will sich dan der Knecht beklagn?

S. Cyprianus Martyr Epist. IX.


E III

Wie


Centuria Prima

Mit was lob soll ich euch erheben / Ir D allerferechste Brüder
Mit was Ehrenittel vnd Lobspruchen soll ich die dapfferkeit ewi-
res Gemüts / vnd beharligkeit des glaubens heraus streichen?
Aufgestanden vnd geduldet habt ihr bis zur erfülung vnd voll-
endung aller Ehn vnd Glori / eine vberaus strenge Frag / vnd
hartes examen, Dennoch seit ihr keiner Marter noch Pein ge-
wichen / sondern alle Marter vnd Pein / haben weichen / vnd an
euch zerrinnen müssen. Das ende der schmerzen / welches
die Tormenta nicht geben wolten / das haben die
Coronen vnd Krenylein
gegeben.

E N D E.









83 L 11 15

ULB Halle
004 509 641


3



SL

VJ 17






Handwritten text on the spine, including the number '18' and other illegible characters.

Faint pencil markings on the cover, possibly a signature or date, including the number '18'.





14

Contrafeitur vnd Na
men der Geistlichen vnd Ordens Perso
nen / so auß der Societet I E S V bishero von de
Hayden / Mahumetanern / Ketzern / vnd ander
Verfolgern / von wegen des Catholischen Glaubens
wie auch vmb der liebe Gottes / vnd des Nächst
sten hails willen / vmbgebracht vnd ge
martert worden,

11



Handwritten signature or note in cursive script.

Gedruckt zu Gölten / Bey Johan Busssemeyer
im Jahr 1609.

